

漢書疏證

漢書疏證卷十八

吳 沈欽韓撰

郊祀志

六宗

此卽月令之天宗鄭據大宗伯職實柴槁燎所祀得之
後魏孝文帝以上帝卽五帝是一時之禮通典取之他
說紛紛並是無稽詳見續志

五樂

五帝之樂也尙書大傳舜巡狩樂正定樂名貢八伯之
樂族以爲八此八伯之事也分定于五此五嶽之事也

亦是一義

一暮大拱

呂覽制樂成湯之事有穀生于庭昏而生比旦而大拱
與此同惟作湯爲異書大傳說苑敬慎篇並作七日大
拱以爲武丁時韓詩外傳作穀生湯之庭三日而大拱
傳記各異當從書序作太戊昏生旦拱理尤怪妄五行
志作七日爲是

中雷

韋昭注卽月令鄭注彼正義云庾蔚之云複謂地上累
土爲之穴則穿地也複穴皆開其上取明故兩雷之是

以後因名室爲中霤也劉熙釋名古者寢穴復室之霤當今之棟下直室之中古者霤下之處也按古制上棟下宇其形似蓋故穿溜之處適在中也

其牲用騂駒

按周禮正祭皆無用馬牲之事大司馬職喪祭奉詔馬牲鄭云王喪之以馬祭者蓋遣奠也奉猶送也則遣奠始用馬牲校人職云凡將事于四海山川則飾黃駒注云王巡狩過大山川則有殺駒以祈沈禮歟竊謂喪祭之馬牲當亦告于所過山川祭畢因并包之入墓耳是古禮僅用之沈辜祈禳或以盟誓高帝刑白馬而盟漢

武帝幸瓠子決河湛白馬玉璧是也至匈奴殺馬以祭
天戎狄皆然魏書禮志神尊者以馬次以牛元史郊祀
志冬至用純色馬一然則秦乃循西戎之俗也

立時郊上帝

說文時武帝所基址祭地按此卽禮經之郊兆俗訛名
耳小宗伯職兆五帝于四郊四望四類亦如之周之故
都所在有之而司馬遷不通經術乃以爲神明之隲諸
神祠皆聚不亦陋乎

名曰陳寶

文選羽獵賦注太康記曰秦文時陳倉人獵得獸若彘

而不知其名道逢二童子曰橫弗述

案隱引列異傳云此名爲類在地下

食死人腦水經注三十一秦文公之世有伯陽者逢二童曰

橫弗述亦語曰彼二

童子名爲寶鷄得雄者王得雌者霸陳倉人舍橫弗述
逐二童子化爲雉雌止陳寶化爲石雄如楚止南陽也
按臣瓚所云葉君卽其止南陽之雄者宋書符瑞志其
後光武興于南陽也

磔狗邑四門

風俗通俗說狗別實主善守禦取者四門以辟盜賊
皆受命然後得封禪

梁書許懋傳懋議曰臣案舜幸岱宗是爲巡狩而鄭引

孝經鉤命決云封于太山考績柴燎禪乎梁甫刻石紀
號此緯書之曲說非正經之通義也依白虎通云封者
言附廣也禪者言成功相傳也若以禪授爲義則禹不
應傳啟湯不應傳外景也又禮記云三皇禪奕奕謂盛
德也五帝禪亭亭特立獨起于身也三王禪梁父連延
不絕父歿子繼也舊書伏羲禪云云黃帝禪亭亭皆不
禪奕奕顓頊以下禪云云亦不禪亭亭禹禪云云周成
禪社首異乎禮說皆道聽所得失其本文直當謂封禪
非禮耳史遷
禮說各有所本
不足辨其得失又七十二君夷吾所記載得二千餘主
云何得有七十二君封禪之事越人以前人心淳朴不

應金泥玉檢結繩而治未有鐫文告成且無懷氏伏羲
後第十六主云何得在伏羲前封泰山夷吾又曰惟受
命之君得封禪周成王非受命君神農與炎帝是一主
而妄分爲二若是聖主不須封禪若是凡主不應封禪
當是齊桓欲行此事管仲知其不可故舉怪物以屈之
也

上卑耳之山

管子小問篇桓公北伐孤竹未至卑耳之谿十里闌然
止瞠然視公曰寡人太惑今者見人長尺而人物具冠
右袂衣走馬前疾管仲對曰臣聞登山之神有俞兒者

長尺而人物具焉霸王之君興而神見且走馬前疾道也祛衣示前有水也右祛衣示從右方涉也至卑耳之谿有贊水者曰從左方涉其深及冠從右方涉其深至滕桓公立拜管仲于馬前曰仲父之聖至此

登熊耳山

元豐九域志鄧州內鄉縣有熊耳山

一茅三脊

冊府元龜

封禪門三十六

開元十三年四月撫州三脊茅生

設射不來

設射下史記有狸首狸首者諸侯之不來朝者也此刊

落之愈不可通按太戴記投壺篇嗟爾不寧侯爲爾不
朝于王所故亢而射女強食食爾曾孫侯氏百福攸工
記祭侯之禮以酒脯醢其辭曰惟若寧侯毋或若女不
寧侯不屬于王所故抗而射女云云諸侯不臣謂之不
寧易曰不寧方來大射儀用樂奏貍首注貍之言不來
也其詩有射諸侯首不朝者之言因以名篇是固王之
賓射葢弘適爲此禮而史遷謬云物怪若王子年妖妄
之語班氏不加是正何經術之疏乎御覽七百三十六韜
曰武王伐殷丁侯不朝太公乃畫丁侯于策三箭射之
丁侯病困卜者占云祟在周恐懼乃請舉國爲臣太公

使人甲乙日拔丁侯著頭箭丙丁日拔著口箭戊巳日拔著腹箭丁侯病稍愈四夷聞各以來貢此亦驪首之辭乃知傳訛襲謬皆起于周衰禮廢矣

而鼎淪沒于泗水彭城下

按周策秦興師臨周而求九鼎

姚氏考春秋後語在周顯王齊宣王時

顏

率東借救于齊是九鼎在東周也周本紀周君王赧卒周民東亡秦取九鼎寶器而始皇本紀二十八年還過彭城齋戒禱祠欲出周鼎泗水則遷敘事自相乖謬以理推之周鼎至重何得輕齊往宋從河南府卻至徐州一千二百里乎墨子耕柱篇夏后開鑄之於昆吾卜于

龜龜曰鼎成三足而方不炊而自烹不舉而自藏不遷而自行然則鼎之淪泗水將不舉自藏不遷自行耶愚謂九鼎之亡周人自亡之虞大國之數甘心也爲宗社之殃又當困乏之時周人銷毀以爲貨謬云鼎亡耳若周本紀秦取九鼎其誤固不待言也

左傳正義其鼎有九故稱九鼎召誥

正義九牧貢金爲鼎故稱九鼎其實一鼎兩書雜出不類如此

黃龍地蟻見

冊府元龜

二十

有大蟻如羊大蟻如虹

祠天齊

元和志天齊池在青州臨淄縣東南十五里

祠重尤

續志注地道記曰東平國壽張縣有重尤祠皇覽曰重尤冢在壽張闕鄉城中闕鄉卽監鄉聲相近續志云東平陸有闕亭與壽張界相接耳水經注皇覽曰常十月祠之有赤氣出如絳民名爲重尤旗

陰主祠三山

輿地廣記萊州掖縣有三山按後文亦作參山知非三神山也寰宇記三山在掖縣北五十里海之南

祠之采山

元和志在登州文登縣西北一百九十里

祠盛山

元和志在縣東北一百八十里魏志田豫邀截吳船于是山卽知其斗入海也

之萊山

元和志在登州黃縣東南二十里

而宋毋忌

魏志管輅傳安平太守王基令作卦輅曰當有賤婦人生一男兒墮地便走入竈中死宋無忌之妖將其入竈也索隱曰澤國云火之精曰宋無忌蓋其人火仙也藝文類聚八引白澤圖正同御覽八百八十六白澤圖火之精

曰畢方

寰宇記鄂州多有火災占之曰東南聖水
岐宋無忌遺跡觀察使牛僧儒立廟祀之

正伯僑元尙羨門高最後

索隱云最後猶言甚後服虔說止有四人是也何焯曰
最後是指在騶子後按此本易曉而師古謬以爲人名
孔穎達疏左傳右杜斥服氏爲不能離經辨句何須注
述大典移于小顏當矣

形解銷化

御覽道部寶劍上經曰尸解之法有死而更生

道學傳

淺劣則入下階滅度更生更生之後修道隨功多少段
成式酉陽雜俎云白日去曰上解夜半去曰下解向曉
向暮謂之地下主者太一守尸三魂替骨
七魄衛肉胎靈錄氣所謂太陰鍊形也
有頭斷從一

旁出者

列仙傳司馬季主首足異處以所作劍兵解法兵解則不得在太極神仙傳鮑靚曰稽叔夜昔

示迹東市而有形存而無骨者

按此所謂真誥運題象

實兵解耳

羽化上品

曰白日去謂之上尸解夜半去謂之下尸解向曉向暮之際去者謂之地下主者裴君曰文解地下主者一百四十年一轉武解鬼師二百八十年一轉凡有三等乃得進補仙職又云劍解之法上宰總真西域王君昔受于紫陽公施行道成

此三神仙者其傳在勃海中

列子湯問篇夏革曰渤海之東幾億萬里有五山岱與員嶠方壺瀛洲蓬萊五山之根無所連著常隨潮波上

下帝恐流于西極失仙聖之居乃命禺彊使巨鼇十五
舉首而戴之龍伯之國有大人一釣而連六鼇於是岱
輿員嶠二山流于北極沈于大海仙聖之播遷者巨億
計今按岱輿員嶠已失故但云三神山也
使人齋童男女入海求之

列仙傳安期先生賣藥于東海邊秦始皇東遊請見與
語三日三夜賜金帛度數萬千出于阜鄉亭皆置去留
書以赤玉舄一量爲報曰後數年求我于蓬萊山始皇
卽遣使者徐市盧生等數百人入海

按盧生未嘗入海
大爲虛妄卻不能

彌縫小
缺漏

薄山者襄山也

襄史記作襄張守節音色眉反楊雄河東賦瓜華蹈襄作表是也中山經薄山之首曰甘棗之山則非華山以西之山也徐廣張守節皆正其誤按襄字記云中條山在陝州芮城縣北十五里自河中府東至當州靈寶縣界次入平陸縣南望太華北瞻壺口此山薄狹而延袤故謂之中條亦曰薄山水經注引山海經作蒲山蒲薄聲之轉云統目總稱亦與襄山不殊故楊雄河東賦注襄山在潼關北十餘里以是推之襄山與薄山相接實非一山皆不得在華山西顏師古以閬鄉之南山當之是南

北迴殊真妄人耳

岳山

此卽垂山之誤

吳山

冊府元龜

三十

唐肅宗至德二年帝在鳳翔改汧陽郡

吳山爲西嶽以祈靈助按職方氏雍州山鎮曰嶽山注

嶽吳嶽也大宗伯疏周國在雍州時無西嶽故權立吳

嶽爲西岳吳山稱嶽由來久矣

湫淵祀朝那

一統志朝那湫在平涼府固原州西南

長水

索隱云百官表有長水校尉沈約云營近長水因以爲
名按水經注長水出白鹿原今之荆溪水是也長安志
萬年縣荆溪兩京道里記曰荆谿本名長水後秦姚興
避諱改通典禮三先天二年十月講武于驪山之下征
兵二十萬列大陣于長川卽此顏師古不明出處聊云
源流長也如此卽何煩

注

汧洛二淵

元和志汧水在隴州汧陽縣南一里洛水原出白於山
一名女郎山在慶州洛原縣北三十里鄜州洛交縣南

一里二淵卽華池水黑原水也輿地廣記鄜州洛交縣
三川鎮元魏爲三川縣以華池水黑水洛水所會爲名
慶陽府志華池在合水縣東北一百里

鳴澤

武帝紀北出蕭關歷獨鹿鳴澤自代而還彼鳴澤固在
涿郡遼縣此云以近咸陽則非涿郡之鳴澤也水經注
六濁水至白渠與澤泉合俗謂之漆水西山經陰山濁
谷之水出焉而南流注于蕃澤

蒲山

寰宇記涇州靈臺縣蒲川酈道元注水經云蒲水出南

山蒲谷

九臣十四臣

月令季冬畢山川之祀及帝之大臣管子輕重甲昔堯
之五吏五官無所食君請立五厲之祭祭堯之五吏春
獻蘭秋獻落原魚以爲脯鯢以爲醢蓋此類也通典漢
制厲殃祀天地日月星辰四時陰陽之神以師曠配之
諸布諸嚴諸逐

爾雅祭星曰布淮南汜論羿除天下之害而死爲宗布
注祭田爲宗布謂出也一曰今人室中所祀之宗布或
曰司命傍布也諸逐蓋絕後無主之鬼逐食者

豐鎬有昭明天子辟池

周辟雍故地故曰辟池所祀者滿池君也程大昌雍錄
梁載言十道志鎬池亦曰元趾在昆明池北始皇毀之
五月嘗駒

月令仲夏天子以雛嘗黍注云此嘗雛也此殆雛字之

誤宋史志宗廟薦新
仲夏嘗雛以黍

木寓龍

史記作禺索隱音偶謂偶其形于木按管子海王篇食
鹽禺筴之商日二百萬注禺讀爲偶史記孝武紀正作
木偶馬李奇解非也

通權火

宋史禮志開寶元年十一月郊以燎壇稍遠不聞告燎之聲始用燿火令光明遠照通于祀所

房中

後漢桓帝紀壞郡國諸房祀

樂巴傳巴悉毀壞房祀前理泰在注云謂爲房堂而

祀者

東君雲中君

東君卽東皇太一

巫祠

詛楚文云有秦嗣王傳事不顯大神巫咸此秦舊典也

族人炊

族人別一神祭法有族屬禮器皆老婦先炊者也特牲禮尸卒食而祭饕餮雍饗

司命

風俗通今民間獨祀司命刻木長尺二寸為人像行者擔篋中居者別作小屋齊地大尊重之

立靈星祠

絲衣序高子曰靈星之尸也風俗通辰之神爲靈星以壬辰日祀靈星于東南通典周制仲秋之月祭靈星于國之東南

民里社各自裁以祠

祭法大夫以下成羣立社注云大夫不得特立社與民
族居百家以上則其立一社今時里社是也又有二十
五家爲社則書社是也各自逐便置社下注謂隨其豐
儉何消說

祠稷以羊彘

風俗通未之神爲稷以豢未日祠稷于西南宋書禮志
漢魏有官社無稷故帝二社一稷漢書儀官太社及太
稷一歲各再祠太親帝常以一太華使者監祠南向立
不拜

古者天子夏親祀上帝于郊故曰郊

按此則夏四月雩祭五天帝非正月之郊也草昧之謬如此

刺六經中作王制

盧植據以斥四十九篇之王制正義云王制之作蓋在秦漢之際知者按下文云有正聽之鄭云漢有正平承秦所置又有古者以周尺今以周尺之語則知是亡周之後也

列國各開其阡不
必定在周亡後

秦昭王亡周故鄭答臨碩云

孟子當赧王之際王制之作復在其後案索隱引劉向七錄云文帝所造書有本制兵制服制篇是劉向未嘗

以入四十九篇也若果時王所爲戴慶三家恐亦未肯傳習

日卻復中

冊府元龜

二十二符瑞

日中有王字風俗通正失篇文帝立

爲代王後徵到後期不得立日爲再中劭云卽位時已

昏夜日不再中按文帝兩傳日再中事又御覽

八十卷

秋演孔圖云文帝戴玉英光中再緯書之妖妄與新垣

平等

後常三歲一郊

宋書禮志明帝泰始六年詔曰古禮王者每歲郊百發

及明堂自晉以來間年一郊明堂同日質文詳略疏數有分自今可間二年一郊間歲一明堂齊書禮志尙書令王檢議武帝元鼎四年始立后土祠于汾陰明年立太一祠于甘泉自是以後二歲一郊與雍更祠魏晉因循率由漢典雖時或參差而類多間歲隋志梁武帝南郊常與北郊間歲通典後魏歲一祭陳制亦以間歲北齊每三年一祭以正月上辛禘祀昊天上帝于圓丘後諸儒定禮圓丘改以冬至祀之其南北郊則歲一祀皆以正月上辛後周祭圓丘及南郊並正月上辛不言歲祭當是歲祭隋高祖爲圓丘再歲冬至之日祀孟春上辛祀感帝通典大

唐武德初定令每歲冬至祀圓丘孟春辛日祈穀祀感
帝于南郊通考宋初因舊唐制長編曰太祖南郊凡四
按宋史禮志圓丘祈穀雩祀明堂謂之常祀其天子親
行者實三年一郊也高宗紹興十三年臣僚言自南巡
以來三歲之祀獨于明堂而郊天之禮未舉來歲乞行
大禮詔建圓壇東城之外自是凡六郊焉終高宗內禪就三
年之例猶有不能如期者如理宗四十一年裁一郊明
史禮志每歲所常行者四祭與唐宋同

礪氏館

史記作礪按字不當從石當從如淳讀元和姓纂十二

齊有遶姓云今同州澄城縣多此姓自云銅鞮氏避仇

改亦單姓蹄蹄卽驢之俗

先後宛若

釋名少婦謂長婦曰妣言先來已所當法似也長婦謂

少婦曰娣娣弟也已後來或曰先後漢武帝故事太平廣記

二百九十一東方朔娶宛若爲小妻生子三人與朔俱死祠

竈後書陰識傳宣帝時陰子方者至孝臘日晨炊而竈

神形見子方再拜受慶家有黃羊因以祀之自是已後

暴至巨富酉陽雜俎竈神名隗狀如美女又姓張名單

字子郭夫人字卿忌有六女皆名察洽常以

月晦日上天白人罪狀以己丑日祭之得福

齊桓公十年陳于柏寢

晏子雜篇景公新成柏寢之臺使師開鼓琴齊桓公時
無柏寢金樓子立言篇云齊桓公臥于柏寢又本此而
調說

少君病死

葛洪神仙傳少君稱疾是夜帝夢與少君俱上嵩高山
半道有使者乘龍持節雲中來言太乙請少君帝遂覺
卽使人聞少君消息且告近臣曰朕乍夢少君捨朕去
少君乃病困帝往觀之并使人受其方未竟而卒帝曰
少君不死故化去耳及後忽使屍所在按此事劉向所

不屑言又出葛洪之徒妄造也抱朴子論仙篇以爲出
漢禁中起居注又云董仲舒撰李少君家錄云少君有
不死之方而家貧無以市其藥物故出于漢以假途求
其財道成而去神仙傳復云董仲舒服少君藥乃身輕體壯是又援儒入墨
之比矣

奏祠泰一方

楚詞九歌有東皇太一乾鑿度太一取其數以行九宮

正四維皆合于十五注云太一者北辰之神名也

宋均叶微

圖注北極神之別名石氏星經亦云天一太一各一星在紫薇宮門外承事天皇大帝

古文苑黃

香九宮賦云伊黃虛之典度存乎文昌之會宮翳華蓋

之歲終依上帝以降集提攝攝而布政總四七而持綱
又云左青龍而右黃龍前七星而後騰蛇徵太一而聚
羣神趣熒惑而叱太白然布行九宮自謂天帝非謂太
一一星可徵矣隋志梁南郊從祀太一天一位五官神

下

開元禮圖丘壇外第一等祀五帝日月二等祀天皇大帝天一太一

唐舊志天寶三年

術士蘇嘉慶上言請于京東朝日壇東置九宮貴神壇
其壇三成成三尺四階依位置九壇壇尺五寸東面曰
招搖正東曰軒轅東北曰太陰正南曰天一中央曰天
符正北曰太一西南曰騰蛇正西曰咸池西北曰青龍
五爲中戴九履一左三右七一四爲上六八爲下符于

通甲四孟月祭尊爲九宮貴神禮次昊天上帝立宗親

祀之

太和二年監察御史舒元興奏七月十八日祀九宮貴神臣見祝版九片陛下親署御名需臣臣竊

以爲過詔都省議皆如元興之議乃降爲中祠祝版稱皇帝不署

會昌元年太常卿王

起等議謹按黃帝九宮經及蕭吉

古本作蕭吉從册府說

五行大義

一宮其神太一其星天樞其卦坎其行水其方白二宮

其神攝提其星天内其卦坤其行土其方黑三公其神

軒轅其星天衝其卦震其行木其方碧四宮其神招搖

其星天輔其卦巽其行木其方綠五宮其神天符其星

天禽其卦離其行火其方黃六宮其神青龍其星天心

其卦乾其行金其方白七宮其神咸池其星天柱其卦

兌其行金其方赤八宮其神太陰其星天任其卦艮其

行土其方白九宮其神天一其星天英

按王弼素問注此九星即北斗

星九其卦離其行火其方紫觀其統八卦運五行土飛于

中數轉于極範圍亭育有助昌時請自今以後即用大

祠之禮誓官備物無有降差惟御署祝文以社稷爲本

伏緣已稱臣于天帝無二尊故也敕旨依付所司至宋

有九宮太一又有十神太一夢溪筆談十神太一一曰

太一次曰五福太一三曰天一太一四曰地一太一五

曰君基太一六曰臣基太一七曰民基太一八曰大遊

太一九曰九氣太一

宋志作直符太一

十曰十神太一

宋志作四神太一

一按星經太一只一星未
知流俗何以名爲十神
宋史禮志景祐二年學士章

得象等言司天監生于淵役人單訓所請祀九宮太一

依逐年飛移位次之法案郊良遇九宮法有飛棋立成

圖

按宋藝文志作郊良玉三元九
宮一卷九宮應瑞太極圖一卷
每歲一移推九州所

主災福事隨每年貴神飛棋之方旋定祭位仍自天聖

己巳入厯太一在一宮歲進一位飛棋巡行周而復始

元豐中太常博士何洵直言熙寧禮儀九宮貴神祝文
稱嗣天子臣某以禮秩論之當與社稷爲比請依祀議
爲大祀其祝版卽
依會昌中故事
元祐七年監察御史安鼎言按漢武

始祠太一一位唐天寶初兼祀八宮謂之九宮貴神漢

用犢凡七日而止唐祀類于天地今春祀九宮太一用

羊豕其四立祭太一宮十神以素饌加酒十神太一九

宮太一與漢所祀太一其是一神而所薦殊異似非禮

意詔禮官詳定依舊制有東西中三太一宮皆五福太

一居首

雍熙元年甲申歲五福太一入東南巽宮時修東太一宮天聖元年己巳歲五福太一入西南

坤位修西太一宮

按筆談云十神太一惟太一最尊更無別名

止謂之太一三年一移後人以其別無名遂對大遊而

謂之小遊太一此出于後人誤加之京師東西太一宮

正殿祠五福而太一乃在廊廡甚爲失序熙寧中初營

中宮太一宮

熙寧四年司天中官正周琮言五福太一下移入中宮詔建中太一宮崇禧觀

太史考定神位予時領太史令前殿祠五福而太一別

爲後殿各全其尊然君基臣基民基避唐明帝諱改爲
基至今仍襲舊名未曾改正按沈括稱最尊之太一卽
漢所祠者耳然謬忌言太一佐曰五帝五帝經典有明
文歷代郊祀反謂太一之佐是以太一爲天之最尊者
也大宗伯疏春秋文耀鉤云中宮大帝其北極星下一
明者爲太一之先合元氣以布斗當是天皇大帝之號
也鄭云天星北辰耀魄寶又云昊天上帝又一名大一
帝君帝君通解引作常君以其尊大故有數名會昌一品集論九
宮貴神合是大祠狀天一掌八氣九精之政令以佐天
極微明而有常則陰陽序而大運興太一掌十有六神

之法度以輔人極微明而得中則人神和而王道平

開八通之鬼道

續志注引黃圖上帝壇圓八觚辟神道八通廣各三十步

天一地一泰一

冊府元龜

五百九十二

會昌元年中書門下奏天一掌八氣

九精之政令以佐天機微明而有常則陰陽序大運興
太一掌十有六神之法度以輔人極微明而得中則神
人和而王道昇平又北斗有樞衡一星天一太一參居
其間宋史天文志天一星太一一星在紫微宮門右

星南天帝之神也

太一在天一南相近一度

天文志陰德或曰天一

淮南天文訓太陰或曰天一

常以春解祠

春官男巫招弭以除疾病注弭讀爲救招救皆有祀衍之禮論衡解除篇祭祀之禮解除之法眾多非一旦以一事效其非也世間繕治宅舍鑿地掘土功成作畢解謝土神名曰解土爲土偶人以象鬼形令巫祝延以解土神已祭之後心快意喜謂鬼神解謝殃禍除去按此則解祠者祓祠之祭也

破鏡

述異記獬狀如虎豹而小始生還食其母孟康謂食父非也禽獸本無父

冥羊用羊祠

東山經自尸胡之山至手無舉之山其神狀皆人身而羊角其祠用一牡羊

武夷君

寰宇記武夷山在建州建陽縣北一百二十八里顧野王謂之地仙之宅傳云昔有神人武夷君居此故得名又郡國志漢武好祀天下嶽瀆此山與祭故曰漢祀山董斯張廣博物志武夷記混沌初開有神曰聖姥母子二人居武夷山後取仙立爲太姥聖母

陰陽使者

事文類聚江州太平興國宮在廬山之陰唐九天使者祠明皇自言親見使者降于庭殿因立此祠蓋此類也天子自帷中望見焉

南史宋孝武殷淑儀卒時有巫者能見鬼說帝言貴妃可致帝大喜今召之有少頃果于帷中見形如平生帝欲與之言默然不對將執手奄然便歇蓋巫師自有此術不足異也

太平廣記所載尤多今鎮江府人亦有此術

上有所幸李夫人夫人卒

史記作王夫人按李廣利以太初元年爲貳師將軍若

李夫人以元狩三年卒距太初之元十有五年廣利不
應至此時始進用也又南粵滅在元鼎六年此志有云
既滅南越嬖臣李延年以好音見而李夫人之進以延
年歌北方有佳人得召見又在延年後明矣其死安得
反在元狩時乎考史記三王世家王夫人者與衛夫人
並幸計其始進當元光時至元狩二年卒前後後相嘗
然外戚傳漢武實悼李夫人惟少翁之誅在元狩中李
夫人卒不得有少翁也爲傳之誤若此志無一是者史
記作王夫人又是一事而兩傳之誤論衛自然篇武帝
幸王夫人王夫人
死思見其形道士以方術作王夫人形形成出入宮門
武帝大驚出而迎之忽不復見此本史記而附益之也

天子識其手問之果爲書

史記作手書此必阿頤寒加刊落以詫流俗也爲與僞通用然寫史傳何必改僞作爲以矜詭奇

又作栢梁銅柱

三輔黃圖栢梁臺武帝元鼎二年春起在長安城中北闕內三輔舊事云以香栢爲梁也帝嘗置酒其上詔羣臣和詩能七言詩者乃得上太初中臺災

言與人音等

吳志太元元年臨海羅陽縣有神自稱王表周旋民間語言飲食與人無異然不見其形亦此類也

后土宜于澤中圓丘

按此與前文天好陰于高山下時地貴陽于澤中圓丘同謬也禮器云因天事天因地事地爲高必因丘陵爲下必因川澤鄭以圓丘方澤解之是也若謂好陰貴陽何不夕日朝月蓋當時廷臣鮮有通經禮者董仲舒號爲老師惟知正月上辛一郊而已其郊祀對言周公甚謬況若輩乎

文成食馬肝死耳

索隱曰論衡云氣爲物之精者食是馬肝殺人儒林傳食肉無食馬肝是也

括輿錄
拾遺錄
鼎

虞荔鼎錄云高一丈二尺重十二石雜金銀銅錫爲之
四面蛟龍兩耳能鳴三足馬嘶刻山雲奇怪之象紀靈
圖未然之狀册府元龜十八開元十一年二月祠后土于
汾陰之睢上有司奏修壇掘地獲古銅鼎二其大者容
一斗色皆青又獲古甌長九寸上有篆書千秋萬歲字
及長樂未央按此則漢于此得鼎復作鼎以鎮之也

文鏤無款識

鼎錄曰其文曰壽考天地百祥臻侍山伏其靈海伏其
異此銘在底下又別有銘或浮或沈皆古文複篆此上

古之鑄造也總有九枚按此云無欺識未知孰誤

至中山晏溫

長安志仲山在雲陽縣西北四十里雲陽宮記曰宮南三十里有仲山俗傳高祖兄仲所居今山有仲子廟淮南繆稱訓暉目知晏注云晏無雲也天將晏靜暉目先鳴

黃帝作寶鼎三

舊唐志武氏萬歲通天元年鑄銅爲九州鼎既成置于

明堂之庭各依方位列焉

齊郡名永昌高一丈八尺重一千八百石冀州鼎名武

興雍州鼎名長安兖州名曰魯青州名少陽徐州名東原揚州名江都荊州名江陵梁州名成都八州鼎高一

丈四尺各受一千二百石用銅五十六萬七百一十二斤鼎上圖寫本州山川物產之像仍令工書人買膚福殿中丞薛昌客鳳閣主事李元振司農錄事宋史禮志鐘紹京等分題之左尚方令曹元廓圖畫之

徽宗用方士魏漢津之說備百物之象鑄九鼎于中太

一宮雨爲殿奉安之曰九成宮

中央曰帝其色黃祭以上王曰爲大祠北方

曰寶鼎其色黑祭以冬至東方曰牡鼎其色青祭以立春東方曰蒼鼎其色碧祭以春分東南曰國鼎其色綠祭以立夏南方曰彤鼎其色紫祭以夏至西南曰阜鼎其色黑祭以立秋西方曰晶鼎其色赤祭以秋分西北曰魁鼎其色白祭以立冬八鼎皆中祠鄭居中言亳州太清宮道士王與

之進黃帝崇天祀鼎儀決皆本于天元玉冊九宮太一

合于漢津所上帝賜夏禹隱文同修爲祭鼎儀範成鼎

書成十七卷按公孫卿進黃帝鼎書徽宗復效之其愚

又在武帝下

皆嘗觴享上帝鬼神

說文烹煮也集韻或作烹音觴音按觴毛詩作湘傳云湘
烹也是觴已具烹義下烹字當如服虔音香兩反師古
作亨音普庚反非楊雄太玄實首次五鼎大可觴司馬
溫公集注觴當作觴音而

黃帝得寶鼎冕候

史記作宛胸武帝得寶鼎候

於是黃帝迎日推策

素問天元紀大論黃帝問曰願聞五運之主時也何如

鬼臾區曰臣積考太始天元冊文曰太虛寥廓肇基化
元萬物資始五運終天布氣真經總統坤元九星懸朗
七曜周旋曰陰曰陽曰柔曰剛幽顯既位寒暑弛張生
生化化品物咸章臣斯十世此之謂也又曰天以六爲
節地以五爲制周天氣者亦期爲一備終地紀者五歲
爲一周君火以明相火以位五六相合而七百二十氣
爲一紀凡三十歲千四百四十氣凡六十歲而爲一周
按此卽所云迎日推策也李文貞云此一段傳聞只是
黃帝作厯事黃帝得策作厯正與取竹造律同一符應
黃帝僊登于天

抱朴子金丹篇黃帝九鼎神丹經曰黃帝服之遂以昇
仙以傳玄子戒之曰此道遠和必以授賢苟非其人雖
積玉如山勿以告之

所謂寒門者谷口也

御覽

七十
八

春秋命歷序曰人皇氏九頭駕六羽乘雲車

出谷口分九州長安志雲陽宮記曰冶谷去雲陽宮八
十里封禪書所謂谷口也其山出鐵有冶鑄之利入谷
便洪潦沸騰飛泉激射兩岸皆峭壁孤豎橫盤坑谷懷
然凝沍常如八九月中朱明盛暑當晝暫暄懷秋晚候
緼袍不煖所謂寒門者也

因名其處曰鼎湖

王子年拾遺記薰風至真人集乃厭世于昆臺之上昆臺者鼎湖之極峻處也博物志黃帝仙去其臣左徹者削木爲黃帝象帥諸侯奉之

其下四方地爲服

春官神仕注云圖天神人鬼地示之坐者謂布祭眾寡與其居句

疏云神有眾寡多少或居方爲之或句曲爲之也

卽此之服也服與

綴同續志作醢云郊兆八陞陞五十八醢合四百六十四醢外壇五帝陞郭帝七十二醢合三百六十醢是也亦與藪藪醢義相通用各異耳樂記其舞行綴遠注作

鄮正義綴謂鄮也鄮聚舞人行位之處立表鄮以識之說文鄮讀也然神位亦立表鄮

依四方也宋隋志並作鄮皇帝到郊壇博士太常引入

黑攢

其贊饗曰

春秋繁露郊祀篇郊祀曰皇皇上帝照臨下土集地之靈

降甘風雨庶物羣生各得其所靡今靡古惟予一人某

敬拜皇天之祐亦見大戴公冠按此古祝辭漢所用也今以得

寶鼎故別爲辭

以牡荆畫幡

抱朴子雜應篇或問辟五兵之道或取牡荆以作六陰

神將符符指敵人

草木狀實清有吐刺指病自愈節不相當者月暈時刻之與病人身齊等

置牀下雖危困亦愈

泰帝使素女鼓五十弦瑟

韓非十過黃帝合鬼神于泰山之上作為清角淮南覽冥訓昔者師曠奏白雪之音而神物為之下降注白雪太乙五十弦琴瑟樂名也

作二十五弦及空侯瑟

風俗通孝武禱祠太一后土始用樂人侯調

宋志作侯調依

琴作坎侯言其坎坎應節奏似以姓冠章耳按世本云伏羲造瑟故小顏以為伏羲氏其實使素女鼓之則黃

帝也抱朴子極言黃帝論道養則質立素二女

高世比德于九皇

史記九皇氏沒六十四民興六十四民沒三皇興若春

秋繁露

三代篇

之義殷建白統與夏虞爲三代而退唐于

五帝之末與高辛高陽黃帝神農爲五帝推庖犧爲九
皇恐非此義

皮弁緝紳射牛行事

夏官司射祭祀則贊射牲注云烝嘗之禮

逸禮篇名

有射

者楚語諸侯宗廟之事必自射其牛剗羊擊豕册府元

龜

封禪門

唐高宗永淳二年詔以今年十月有事嵩嶽議

射牛事太常博士裴守真議曰據周禮及國語郊祀天地天子自射其牲漢武惟封泰山令侍中儒者射牛行事至于餘事亦無射牲之文但親春射牲雖是古禮久從廢省不可復行據封禪記禮日未明十五刻宰人以鸞刀割牲質明而行事比鸞駕至祠所牢牲總畢若今祀前一日射牲事卽傷早祀日方始射牲事又傷晚若依漢武故事卽非親射之儀事貴隨時不可行用

其下則有玉牒書書祕

續志元封時封禪故事用方石再累置壇中皆方五尺厚一尺用玉牒書藏方石牒厚五寸長尺三寸廣五寸

有玉檢又用石檢十枚列于石旁東西各三南北各二
皆長三尺廣一尺厚七寸檢金縷用五周以水銀和金
爲泥玉璽一方寸二分一枚方五寸方石四角又有距
石皆再累舊唐志元宗問玉牒之文前代帝王何故祕
之賀知章對曰玉牒本是通于神明之意前代帝王所
求各異或禱年算或思神仙其事微密是故莫知之玄
宗曰朕今此時皆爲蒼生祈福更無祕請宜將玉牒出
示百朕僚使知朕意其辭曰有唐嗣天子臣某敢昭告
于昊天上帝天啟李氏運興土德
高祖太宗受命立極高宗升中亦合殷盛中宗紹復繼
體不定上帝眷祐錫臣忠武底綏內難推戴聖父恭承
大寶十有三年敬若天意四海晏然封
祀岱岳謝承于天子孫百祿蒼生受福

天子獨與侍中奉車子侯上

泰山子侯亦云小侯也御覽

六百六十三

劉向列仙傳曰稷

邱公者太山下道士也漢武帝東巡將至太山稷邱公乃冠章甫衣黃擁琴來迎上曰陛下勿上也恐傷足帝必欲上及數里果如言但諱之故祠而還爲稷邱公立祠後戶梁書許懋傳曰子侯暴卒厥足用傷指此事也

肅然山

輿地廣記襲慶府

卽兗州

萊蕪縣有肅然山漢武帝禪

然卽此西陽雜俎長白山相傳古肅然山按長白山在齊州章邱縣東南三十里距泰山遠漢武非翌日所能

至非長白山也

下詔改元爲元封

自此以前皆是從後追稱至此始真改元有號也後世因之其甚異者一歲則三改元如唐睿宗景雲三年改爲太極元年五月改元延和至八月內禪又改元先天是也又或去號而歲之稱元如肅宗上元二年詔去上元之號但號元年每月以所建爲數當時詔書但云建卯月建辰月是也舊唐帝紀上元二年九月壬寅制曰春秋五始義在體元惟以紀年更無潤色至于漢武飾以浮華非前王之茂典豈永代而作則自今以後朕號惟稱皇帝其年號但稱元年去上元之號

諸侯有朝宿地

據公羊義天子有事于泰山諸侯皆從泰山之下諸侯

皆有湯沐之邑諸侯時朝乎天子天子之郊諸侯皆有

朝宿之邑解左氏者義亦同之此誤也

左傳正義王制方伯爲朝天子

皆有湯沐之邑於天子之縣內然則朝宿之邑亦名湯沐但向京師主爲朝王從王巡狩主爲助祭祭必沐浴隨事立名朝宿湯沐亦互言之耳

奉車子侯暴病一日死

索隱新論云武帝出璽印石財有朕兆子侯則沒印帝畏惡故殺之風俗通亦云然顧胤案武帝集帝與子侯家語云道士皆言子侯得仙不足悲此說是也按文心

雕龍哀弔篇

云霍子侯暴亡帝傷而作詩然武帝豈有殺

之之理乎

洞仙傳有武帝思車子侯歌疑是偽託

迺命粵巫立粵祝祠

風俗通武帝信越巫董仲舒數以爲言武帝欲驗其道
令巫祝詛仲舒仲舒朝服南面誦詠經論不能傷害而
巫者忽死

鷄卜

論衡卜筮篇子路問孔子曰豬肩羊膊可以得兆藿葦

藁莖可以得數何必以蓍龜初學記

二十九

楊方五經鉤

沈曰東夷之人以牛骨占事呈示吉凶無往不中御覽

七百二 春秋後語蘇秦蠡卜隋書西域傳女國鳥集掌上

破腹視之有栗則年豐謂之鳥卜興雅虎行以爪弄地觀奇偶而行今人畫

地觀奇偶者曰虎卜如此類者甚多明鄭露赤雅云鷄卜以雄鷄雛執其

兩足鷄匠焚香禱祈占畢殺之拔兩股骨淨洗用綫束

之以竹筵插束處使兩骨相背端執再視左骨為儂儂

者我也右骨為人人者事也視兩骨側所有細竅以小

竹筵長寸許徧插之斜直偏正任其自然以定吉凶其

法有十八變直而正近骨吉曲而斜遠骨凶又有卯卜請鷄匠祝

神以卵投地不破者吉

益壽延壽館

黃長睿東觀餘論云太史公記作益延壽觀而近歲雍
耀間耕夫有得古瓦其首卽作益延壽三字瓦徑尺字
書奇古卽此觀當時瓦也又按括地志云延壽觀在雍
州雲陽縣西北八十一里通天臺西八十步正今耀州
地也然則當以史記爲正但一觀名益延壽耳師古謂
二觀非是按索隱引此不云漢書而云小顏以爲作益
壽延年二觀此果阿顏私定非漢書本文
迺作通天臺

隋書宇文愷傳明堂表曰禮圖云於內室之上起通天
之觀八十一尺又云通天臺徑九尺法象以九覆六高
八十一尺法黃鐘九九之數按彼所云明堂重屋皆謂

之通天臺特漢武著名耳三輔黃圖漢武故事築通天臺于甘泉去地百餘丈望雲雨悉在其下望見長安城上有承露盤仙人掌擎玉杯以承露元鳳間自毀椽桷皆化爲龍鳳從風雨飛去按此妄談也

生甘泉殿房內中

韓非內儲說下燕人李季妻私有通于士季突至士在

內中妻患之謂內楹之中

論衡別通篇富人之宅以一丈之地爲內內中所有縑布

絲帛貧人之宅亦以一丈爲內內中空虛

乾封三年

按唐高宗封禪改元爲乾封是以方士之誕漢武之愚

爲舊章也羣臣無學術至此

登禮瀾之天柱山號曰南嶽

釋山江南衡又云霍山爲南嶽風俗通衡山一名霍言萬物霍然大也詩崧高疏云衡之與霍泰之爲岱皆一山而有二名也郭璞爾雅注云霍山今在廬江潛縣西南別名天柱山漢武帝以衡山遠曠移其神于此今其土俗人皆呼之爲南岳南岳本以此兩山爲名非從近也而學者多以霍山不得爲南岳又言從漢武帝始乃名之如此言爲武帝在爾雅前乎斯不然矣

此段郭注今爾雅注

疏木脫落晉志穆帝升平中何琦論曰自永嘉之亂神州傾

覆惟濡之天柱在王略之內舊遺百戶吏卒以奉其職
中興之際未有官守廬江郡常遣太史兼假四時禱賽
春釋寒而冬請冰今宜修舊典嶽瀆之域咸蒙德澤元
和志漢武帝移于江北置廟隋文帝復移于今衡州衡
山縣

上黃帝時明堂圖

隋書宇文愷議按淮南子曰昔者神農之治天下以時
嘗穀祀于明堂明堂之制有蓋而無四方風雨不能襲
燥溼不能傷遷延而入之則明堂又不始于黃帝三輔
黃圖明堂黃帝曰合宮

上令奉高作明堂汶上

明堂位正義按異義今戴禮說盛德記曰明堂者自古有之凡九室四戶八牖其三十六戶七十二牖以茅蓋屋上圓下方所以朝諸侯其外有水名曰辟雍明堂月令說明堂高三丈東西九仞南北七筵上圓下方四堂十二室四戶八牖其官方三百步在近郊三十里

此道里太遠

講學大夫淳于登說云明堂在國之陽三里之

外七里之內丙巳之地就陽位上圓下方八窗四闔布政之宮故稱明堂明堂盛貌周公祀文王于明堂以配上帝五精之神太微之庭中有五帝坐位古周禮孝經

說明堂文王之廟蓋之以茅周公所以祀明王于明堂以昭事上帝許君謹按今禮古禮各以義說無明文以知之鄭駁之云戴記所云雖出盛德篇云九室三十六戶七十二牖似秦相呂不韋作春秋時說者蓋非古制

四堂十二室字誤本書云九室十二堂

闕本誤九堂十二室據大戴記

改

淳于登之言取義于孝經援神契說宗祀文王于明

堂以配上帝曰明堂者上圓下方八窗四闥布政之宮

在國之陽帝者諦也象上可承五精之神五精之神實

在太微在辰爲己是以登云然今漢立明堂于丙己由

此爲之

王藻正義此下有云水木用事交于東北木火用事交于東南水土用事交于中央金土用事

交于西南金水用事交于西北周人如鄭此言用涓于明堂五室帝一室合于數餘並同登之說也詩靈臺正義鄭以靈臺辟雍在西郊則與明堂宗廟皆異處矣盧植蔡邕穎容賈逵服虔諸儒皆用大戴禮以廟學明堂靈臺爲一必知皆異處者袁準正論云明堂宗廟太學禮之大物也事義不同各有所爲而論者合以爲一體不復考之人情驗之道理失之遠矣夫宗廟之中人所致敬幽隱清靜鬼神所居而使眾學處焉饗射其中人鬼慢黷囚俘截耳瘡痍流血非其理矣如禮記先儒之言明堂之制四面東西八丈南北六丈天子七廟左昭右穆又有祖宗不在數中以明堂

之制言之昭穆安在若又區別非一體也夫明堂法天之宮非鬼神常處故可以祭天而以其祖配之配其父于天位可也事天而就人鬼則非義也自古帝王必立大小之學可謂立其學不可謂立其廟然則大學非宗廟也又曰世子齒於學國人觀之宗廟之中非百姓所觀也玉制曰周人養國老于東膠不曰辟雍養國老于右學養庶老于左學宗廟之尊不應與小學爲左右也是故明堂者大朝諸侯講禮之庭宗廟享鬼神歲覲之宮辟雍大射養孤之處大學眾學之居靈臺望氣之觀清廟訓儉之室各有所爲非一體也明堂以祭鬼神故

亦謂之廟明堂太廟者明堂之內太室非宗廟之太廟也馬融云明堂在南郊就陽位而宗廟在國外非孝子之情也齊宣王問孟子人皆謂我毀明堂且說諸侯而教毀宗廟爲人君而疑于可否雖復淺丈夫未有是也此其證也竊以準之此論可以申明鄭意

以上詩正義

光武

立明堂續志未詳制度通典以爲依大戴禮也宋志孝武大明五年經始明堂有司奏伏尋明堂辟雍制無定又經記參差傳說乖舛或以名異實同或以爲名實皆異自漢暨晉莫之能辨周書云清廟明堂路寢同制鄭氏注禮義生于斯

按周書作雒篇乃位五宮太廟宗宮考宮路寢明堂咸有四阿孔晁注五

漢書疏證卷十八

美

宮宮府寺也太廟后稷二宮祖考廟考廟也路寢王所居也明堂在國南者也按周書明文此在雒邑鄭注考工記玉藻樂記斯干詩皆本其義若豐鎬舊規未必然也顧命有東西房東西序東西堂疏家不推作雒命篇之義故遇言明堂制如路寢東西回互諸儒又云明堂究無了義陳祥道等妄論益不足信

在國之陽丙己之地三里之南至于室宇堂个戶牖達

向世代湮緬難得該詳晉侍中裴頠西都碩學考詳前

載未能制定以爲直可爲殿以崇嚴祀其餘雜碎一皆

除之

李謚譏之云聖人愛羊于禮殷勤而重之裴氏子之于禮任意而忽之

參詳鄭氏之

注差有準據裴頠之奏竊謂可安宜擬則太廟惟十有

二間以應其數

冊府元龜五百六十三南齊建元元年七月祭五帝之神于明堂有功德之君

配明堂制有五室從尙書僕射王儉議也按南齊志不詳制度恐還從宋舊未可憑隋志梁武帝

欲改作明堂制曰明堂之義本是祭五帝神九室之數
未見其理若五堂而言雖當五帝之數向南則背汁光
紀向北則背赤燠怒東西相向又亦如此於事殊未可
安且明堂之祭五帝則是總義在郊之祭五帝則是別
義五郊也宗祀所配復應有室若專配一室則是義非配
五若皆配五則便成五位以理而言明堂本無有室明
堂左右个者謂所祀五帝堂之南又有小室亦號明堂
分爲三處聽朔則有左右之義自在五帝堂之外人神
有別參無相干於是毀宋太極殿以其材構明堂十二
間准太廟以中央六間安六座悉南向東來第一帝

第二赤帝第三黃帝第四白帝第五黑帝配帝總配享

五帝在阼階東上西向大殿後爲殿五間以爲五佐室

按如梁武言則又爲五堂十二室三十六戶自作憲章無所依據夫聽朔布令必于明堂正以對越明神益昭嚴恭祗畏何人神混淆之謂乎此爲妄論陳制明堂殿屋十二間中央六間

依齊制安六座四方帝各依其方黃帝居坤維而配享

坐依梁法元魏議建明堂袁翻劉芳並從五室之制魏

書賈思伯傳思伯議曰攷工記夏殷周皆五室戴德記

云明堂九室十二堂蔡邕云明堂者天子太廟饗功養

老教學選士皆于其中按戴德撰記世所不行周禮營

國左祖右社明堂在國之陽則非天子太廟明矣然則

月令四堂及太室皆謂之廟者當以天子暫配五帝耳
又王制云周人養國老于東膠鄭注東膠卽辟雍在王
宮之東又詩大雅雝雝在宮肅肅在廟鄭注宮謂辟雍
宮也所以助王養老則尙和助祭則尙敬又不在明堂
之驗若明堂是廟齊宣王不應有毀之聞且蔡邕論明
堂之制皆以天地陰陽氣數爲法而室獨象九州何也
若立五室以象五行豈不快也幸經援神契五經要義
舊禮圖皆作五室及徐劉之論同放工者多矣按月令
亦無九室之文原其制置不乖五室其青陽右个卽明
堂左个明堂右个卽總章左个總章右个卽立堂左个

玄堂右个卽青陽左个

宋朱熹其說

如此則室猶是五而布

政十二五室之理謂爲可安戴氏九室之言蔡子廟學之議子幹靈臺之說裴逸一屋之論及諸家紛紜並無取焉學者善其議北史李諡傳諡明堂制度篇日月台玉藻明堂三篇頗有明堂之義以爲明堂五室古今通則其室居中者太廟太室之東青陽當太室南者明堂太室之西總章太室之北玄堂四面之室各有夾房謂之左右个三十六戶七十二闕矣攷工記得之于五室而謬于堂之修廣何者鄭氏釋五室之位謂土居中木火金水各居四維之室旣乖其正施令聽朔各失厥衷

左右之个弃而不顧反飾以巧詞言水木用事交于東北木火用事交于東南火土用事交于西南金水用事交于西北既依五行當從其用事之文出何經典疑誤後學非所望于先儒也按謚誤會鄭旨謂四維各不相屬故有此疑不知五帝本台系鄭義自謂連屬之中有四維之分交者如賈思伯立堂右个即青陽左个也記云東西九筵南北七筵五室凡室二筵置五室于斯堂雖使班倭構思王爾營度則不能令三室不居其南北也然則三室之間便居六筵之地而室壁之外裁有四尺五寸之堂焉按記明云室中度以几堂上度以筵何得云三室居六筵之地又鄭知四方分堂之制不可通故云居四維則每室自二筵自無妨南北七筵之制謚何拙于置思也假在儉約爲陋過矣爲

鄭學者云二筵者乃室之東西耳南北則狹焉余曰若東西二筵則室戶之外爲丈三尺五寸矣南北戶外復如此則三室之中南北裁各丈二尺耳記云四旁兩夾窗若爲三尺之戶二尺之窗窗戶之間裁盈一尺繩樞甕牖之室尙不然矣且凡室二筵丈八地耳然則戶牖之間不踰二尺也明堂位注曰設斧扆于戶牖之間而鄭氏禮圖說扆制曰從廣八尺畫斧文于其上今之屏風也以八尺扆置二尺之間此之叵通較然可見以世代驗之夏后世室堂修二七周人之制反更促狹又云堂崇一筵便基高九尺而壁戶之外裁四尺五寸于簷

制之法自不相稱其不然四也

周堂大于夏室見牛弘引馬宮議

又云

室中度以几而復云凡室二筵不以几還自相違

賈疏云室

中坐時憑几堂上行禮用筵各因物宜若泛言其深廣無妨以二筵通之證又成妄難也

以此驗之

記者之謬抑可見矣大戴盛德篇得之于戶牖而失之

于九室何者五室之制旁有兩房面各有戶戶有兩牖

此乃因事立則非拘異術戶牖之數固自然矣九室者

論之五帝事既不合於之時令又失其展左右之个重

置一隅兩辰同處參差出入斯乃義無所據又堂之修

廣裁六十三尺耳

此謂南北七通

假使四尺五寸為外之基其

中五十四尺便是五室之地計其一室之中僅可一丈

置其戶牖則于何容之哉若必小而爲之以容其數則
令帝王側身出入斯爲怪矣竊以爲戴氏聞三十六戶
七十二牖弗見其制靡知所置便謂一室有四戶之窗
計其戶牖之數卽以爲九室耳蔡伯喈議其修廣之不
當而未思其九室之謬更修而廣之假其法象因僞飾
詞諒可歎矣

按謚之論只校量考
工大戴二家制度

隋書牛弘傳弘上議

曰漢司徒馬宮議云夏后氏世室室顯于堂故命以室
殷人重屋之顯于堂故命以屋周人明堂堂大于夏屋
故命以堂夏后氏益其堂之廣百四十四尺周人明堂
以爲兩序間大夏后氏七十二尺若據鄭氏之說則夏

屋大于周堂如依馬宮之制則周堂大于夏室後王轉
文周大爲是鄭注玉藻亦云宗廟路寢與明堂同制王
制曰寢不踰廟明大小是同今依鄭注每室及堂止有
一丈八尺四壁之外四尺有餘若以宗廟論之祫享之
時周人旅酬六尸并后稷爲七先公昭穆二尸先王昭
穆二尸合十一尸三十六主及君北面行事于二丈之
堂愚不及此若以正寢論之便須朝宴據燕禮諸侯宴
則賓及卿大夫脫屣升坐是知天子燕則三公九卿並
須升堂止于二筵之間豈得行禮若以明堂論之總享
之時五帝各于其室設青帝之位須于太室之內少北

西面太昊從食坐于其西近南北面祖宗配享者又于
青帝之南稍退西面丈人之尊神位有三加以簠簋邊
豆牛羊之俎四海九州美物咸設復須席工升歌出尊
反站揖讓升降亦以隘矣據茲而說近是不然通典云
帝則皆坐明堂之中以五人帝及大王配之五官之神
坐于庭中以武王配之按謂之大享則自當合于堂中
不于當室明矣何云丈人之
室乎弘之疑此又非通解按劉向別錄及馬宮蔡邕

等所見有古大明堂禮王居明堂禮明堂圖明堂太山
圖明堂陰陽太山通義魏文侯孝經傳並說古明堂之
事其書皆亡莫得而正今明堂月令者蔡邕具爲章句
論之漢代二京所建與此說悉同晉侍中裴顏議直爲

一殿以祀宋齊以還咸率茲禮此乃世乏通儒前王盛
事于是不行後魏代都所造出自李冲三三相重合爲
房室簷不覆基房間通街穿鑿處多迄無可取今檢明
堂必須五室者尙書命驗曰帝者承天立五府赤曰文
祖黃曰神升亦作斗升斗字易混白曰顯祀亦作紀黑曰立矩蒼曰
靈府亦作符三代相沿多有損益至于五室確然不變若
立九室四無所用禮圖畫个皆在堂偏是以須爲五室
必須上圓下方必須重屋必須爲辟雍者明堂陰陽錄
曰明堂之制周圓行水左旋以象天內有分室以象紫
宮據郊祀志黃帝明堂水圓宮壇以此而言其來則久

漢中元二年起明堂辟雍臺別並處然明堂亦有璧
水李尤明堂銘云流水洋洋是也今造明堂須以禮經
爲本形制依于周法度數取于月令遺闕之處參以餘
書其五室九階上圓下方四阿重屋四旁兩門依考工
記孝經說堂方一百四十四尺屋角楣徑二百十六尺
太室方六丈通天屋徑九丈八間二十八柱堂高三尺
四向五色依尺書月令論殿垣方在內水周如外水內
徑三百步依太山盛德記觀禮經時草創未遽制作竟
寢不行宇文愷傳煬帝時奏明堂議曰攷工記夏后氏
堂修二十七博四修一注云博十七步半臣愷按三王之

世夏最爲古從質尙文理應漸就寬大何因夏室乃大
殷堂記云堂修七博四修一則應修七步今堂修十三
步乃是增益記文讐校古書並無二字

按鄭注云殿令
堂修十四步原

是假設之詞後人或因注文收七
步爲二七愷之所議客或有理

此乃桑間俗儒信情

加減黃圖議云夏屋民益其堂之大一百四十四尺周

人明堂以其兩杼間馬宮之言止論堂之一面據此爲

準則三代堂基並方諸說盡然鄭注獨爲此義尋文求

理深恐未愜周書明堂曰堂方百一十二尺高四尺階

博六尺三寸室居丙方百尺室內方六十尺戶高八尺

博四尺

以下與弘議
略同故節之

自古明堂圖惟有二本一是宗周

劉熙阮謚劉昌宗等作三圖略同一是後漢建武三十年作禮圖有本不詳撰人臣研究眾說總撰今圖其樣以木爲之下爲方堂堂有五室上爲圓觀觀有四門帝可其奏愚按議明堂者甚多通典通考不詳搜采故略著之統觀諸義惟牛弘斟酌羣言實制作之本務非鹵莽之凡說也其唐宋制度詳續志至南宋講學者又主九室以爲如井田之制東之中爲青陽太廟東之南爲青陽右个東之北爲青陽左个南之中爲明堂太廟南之東卽東之南爲明堂左个南之西卽西之南爲明堂右个西之中爲總章太廟西之南卽南之西爲總章左

个西之北卽北之西爲總章右个北之中爲立堂太廟
北之東卽東之北爲立堂右个北之西卽西之北爲立
堂一个中是太廟太室凡四方之太廟異方所其左个
右个則青陽之右个乃明堂之左个明堂之右个乃總
章之左个也總章之右个乃立堂之左个立堂之右个
乃青陽之左个也但隨其時之方位開門耳太廟太室
則每季十八日天子居焉然按月令之左右个皆連一
室而言得云青陽之左个右个今別爲八室則月令當
云左室右室矣故如賈思伯之論左東右西前南後北
中爲太室其左右相通得謂之左右个也彼既誤以左

右个爲別室故云如井田之制中央土室在中曾不思前後左右各二重則黑暗若穴豈復可居孔穎達月令正義云土爲五行之主尊之故稱太以夏月太室則四旁之室皆南北三步東西三尺中央土室南北四步東西四步四尺則周之明堂亦應土室在中央大于四角之室也如是中室本大千餘室今籠在八室之中勢不得寬豈可居乎若楊復又以爲一堂九室非真有分隔以帷幕幄奕爲之則凡宮殿皆可爲之非先王之大物彼習聞宋之明堂爲幔室于殿也其陋且妄益不足言然則立明堂者必循五室而始可言復古也

又按漢唐

人論此事莫倭巧于蔡昌英狂悖于顏師古舊唐志貞
觀十七年師古議以爲王居明堂可知即是路寢常居
彼讀周書作雒未能通句讀而妄欲合爲一處又不知
古之大饗帝竟在燕居私室寢慢鬼神此輕傳明文而
敢于蔑弃小人無忌憚與蔡昌義又別矣彼又云假如
周公舊章猶當擇其可否宣尼彝則尙或補其闕漏彼
之議明堂了無經畫徒將周禮以下一肆慢罵而已而
歐陽修禮志稱魏徵及顏師古並當世名儒論止如此
夫魏公之論以爲五室重屋上圓下方與經義先儒相
合謂之名儒固也師古與魏公大背謬焉可並論乎其
鹵莽固不待言修之學術亦顏師古之流類耳自采宋
志若沈約魏收宋濂等雖蕪雜無餘貫然其節目皆是
舊章足可推尋修之爲唐志也率意摘裂首尾衡決鳴
暗欺詫之聲滿于行間而一朝故實若游光野馬之閃
爍焉幸有舊書及會要六典等在可討尋其本末
沿革耳儼慧文人不可令修史後世當以爲戒

有樓從西南入名曰昆侖

唐志貞觀五年太子中允孔穎達以諸儒立議違古上

言曰臣伏尋勅依禮部尙書劉伯莊等議

冊府五百八十五作禮部

尙書盧寬國子助教劉伯莊按儒林傳伯莊爲國子助教刊本誤脫上人也新志作豆盧寬世系表同冊府亦

脫一以爲從崑崙道上層祭天又尋後勅云爲左右闕

道登樓設祭臣檢六藝羣書百家諸史皆名基上曰堂

堂上曰觀未聞重樓之上而有堂名孝經云宗祀文王

于明堂不云明樓明觀按郊祀志漢武明堂之制四面

無壁上覆以茅祭五帝于上坐祀后土于下防臣以上

座正爲基上下防惟是基下旣云無四壁未審伯莊如

何上層祭神下有五室且漢武所爲多用方士之說違

經背正不可帥祖

漢書疏證卷十八

浙江書局刊

樊熙校

宋元煦校

吳鴻望校